

四庫全書

集部

欽定四庫全書

集部

樂府詩集卷九十二至四

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷九十二

宋 郭茂倩 輯

新樂府辭

樂府雜題

塞上曲

李白

大漠無中策
匈奴犯渭橋
五原秋草綠
胡馬一何驕
命將征西極
橫行陰山側
燕支落漢家
婦女無花色
轉戰

渡黃河休兵樂事多蕭條清萬里瀚海寂無波

同前二首

王昌齡

蟬鳴桑樹間八月蕭關道出塞入塞雲處處黃蘆草從
來幽并客皆向沙場老莫學游俠兒矜誇紫騮好
邊頭何慘慘已葬霍將軍部曲皆相弔燕南代北聞功
勲多被黜兵馬亦尋分更遣黃龍戍唯當哭塞雲

同前

耿緯

慣習干戈事鞍馬初從少小在邊城身微久屬千夫長

家遠多親五郡兄，嬾說疆場曾大獲。
且悲年鬢老長征，塞鴻過盡殘陽裏。
樓上悽悽，算角聲

同前

司空曙

塞柳接胡桑，軍門向大荒。
幕營隨月魄，兵氣長星芒。
橫吹催春酒，重裘隔夜寒。
冰開不妨虜，青草滿遼陽。

同前九首

僧貫休

幽并兒百萬，百戰未曾輸。
蕃界已深入，將軍仍遠圖。
月明風拔帳，碛暗鬼騎狐。
但有東歸日，甘從筋力枯。

中軍殺白馬白日祭蒼蒼號變旗幡亂輦乾草木黃朔
雲含凍雨枯骨放妖光故國今何處參差近鬼方

白雁兼羌笛幾年垂淚聽陰風吹殺氣永日在青冥遠
戍秋添將邊烽夜雜星嫖姚頭半白猶自看兵經

大雨始無塵邊聲四散聞浸河荒寨柱吹角白頭軍牛
馬麒麟草烏鴛識陣雲征人心力盡枯角更遭焚

帳幕侵奚界憑陵未可涯擒生行別路尋箭向平沙赤
落蒲桃葉香微甘草花不堪登攏望白日又西斜

地角天涯外人號鬼哭邊大河流敗卒寒日下蒼煙殺
氣諸蕃動軍書一箭傳將軍莫惆悵高處是燕然

山接胡奴水河連勃勃城數州今已伏此命豈堪輕磧
吼旄頭落風乾刁斗清因嗟李陵苦只得沒蕃名

錦袷胡兒黑如漆騎羊上水如箭疾蒲桃酒白鵬脂紅
苜蓿根甜沙鼠出單于右臂何須斷天子昭昭本如日
一握鬢髻一握絲須知只為平戎術

去年轉鬬陰山脚生得單于却放却今年深入於不毛

胡兵拔帳遺弓刀男兒貴展平生志為國輸忠合天地
甲穿雖則失黃金劒缺猶能生紫氣塞草萋萋兵士苦
胡虜如今勿胡虜封侯十萬始無心玉關生入君看取

同前二首

戎昱

漢將歸來虜塞空旌旗初入玉關東高蹄戰馬三千匹
落日平原秋草中

胡風略地燒連山碎葉孤城未下關山頭烽子聲聲叫
知是將軍夜獵還

同前二首

王維

天驕遠塞行
鞘裏寶刀鳴
定是酬恩日
今朝覺命輕
塞虜常為敵
邊風已報秋
平生多志氣
箭底覓封侯

同前

周朴

一墜風來一墜砂
有人行處沒人家
黃河九曲冰先合
紫塞三春不見花

同前

張祐

邊風卷地時
日暮帳初移
磧迴三通角
山寒一點旗
連

收搦索馬引滿射鵬兒莫道勲功細將軍昔戍師

塞上行

歐陽詹

聞說胡兵欲利秋昨來投筆到營州
驍雄已許將軍用邊塞無勞天子憂

同前

鮑溶

西風應時筋角堅承露牧馬水草冷
可憐黃河九曲盡氈館牢落胡無影

同前

李昌符

莽蒼盧關北孤城帳幕多客軍甘入陣老將望回戈樹
盡禽棲草冰堅路在河汾陽尋下世羌虜肯先和

同前

周朴

秦築長城在連雲磧氣侵風吹邊草急角絕塞鴻沉世
世征人往年年戰骨深遼天望鄉者回首盡霑襟

塞上

高適

東出盧龍塞浩然客思孤亭堠列萬里漢兵猶備胡邊
塵滿北溟虜騎正南驅轉關豈長策和親非遠圖惟昔

李將軍按節出皇都總戎掃大漠一戰擒單于常懷感激心願効縱橫謨倚劒欲誰語關河空鬱紆

同前

王建

湯湯復淒淒黃砂算漸迷人當故鄉立馬過舊營嘶斷雁逢水磧回軍占雪溪夜來山下哭應是送降奚

同前

鮑溶

朔風號薊門殺氣日夜興咸陽三千里鐵馬如飢鷹行子久去鄉見山不敢登寒日慘大野虜雲若飛鵬西北

防秋軍麾幢宿層冰匈奴天未喪戰鼓長騰騰漢卒馬
上老樊纓空絲繩誠知天所驕欲罷又不能

同前

李端

二十在邊城軍中得勇名卷旗收敗馬斷磧擁殘兵覆
陣烏鳶起燒山野火明塞間思遠獵師老厭分營雪嶺
無人跡冰河足雁聲李陵甘沒此惆悵漢公卿

同前

曹松

邊塞來處闊今日復明朝河凌

去聲

堅通馬朝雲缺見鵬

沙中程獨泣鄉外引誰招回首若經歲靈州生柳條

同前

鄭渥

出門何處問西東指畫翻為語論同到此客頭潛覺白
未秋山葉已飄紅帳前影落傳書雁日下聲交失馬翁
早晚回鞭復南去大衣高蓋漢鄉風

同前二首

譚用之

秋風漢北雁飛天單騎那堪遠賀蘭磧暗更無巖樹影
地平時有野燒瘢貂披寒色和衣冷劒佩胡霜隔匣寒

早晚橫戈似飛尉擁旄深入異田單

鉢略城邊日欲西遊人却憶舊山歸牛羊集水煙黏步
鵲鵲盤空雪滿圍獵騎靜逢邊氣薄戍樓寒對暮煙微
橫行總是男兒事早晚重來似漢飛

同前

姚合

磧路三千里黃雲復草平戰須移死地軍諱殺降兵印
馬秋遮虜蒸砂夜築城故鄉歸未得都尉欠功名

同前

張喬

勒馬遼水邊風急卷旌旃絕塞寒無樹平沙勢益天雪
晴回探騎月落控鳴弦永定山河誓南歸改漢年

同前

周朴

柳色正沉沉風吹秋更深山河空遠道鄉國自鳴砧
有千家月人無萬里心長城哭崩後寂寞至如今
受降城必破回落隴頭移蕃道北海北謀生今始知

同前

秦韜玉

到處人皆著戰袍麾旗風緊馬蹄勞黑山霜重弓添硬

青塚砂平月更高
大野幾重開雪嶺
長河無限舊風濤
鳳林關外皆唐土
猶尚蒐兵數似毛

同前

戴師顏

空磧晝蒼茫
沙腥古戰場
逢春多霰雪
生計在牛羊
冷角吹鄉淚
乾榆落夢牀
從來山水客
誰謂到漁陽

同前

江為

萬里黃雲凍不飛
磧煙烽火夜深微
胡兒移帳寒笳絕
雲路時聞探馬歸

同前二首

杜荀鶴

旌旗獵獵漢將軍
間出巡遊帝命新
沙塞旋收饒帳幕
犬戎時殺少煙塵
冰河夜渡偷來馬
雪嶺乾飛獵去人
獨作書生疑不穩
軟弓輕劍也隨身

草白河冰合蕃戎
出掠頻戍樓三號
火探騎一條塵戰
士風霜老將軍
雨露新封侯不由
此何以慰征人

塞下曲六首

李白

五月天山雪無花
祇有寒笛中聞折
柳春色未曾看曉

戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚握
雪海上食拂沙隴頭寢何當破月氏然後方高枕

駿馬似風颭鳴鞭出渭橋彎弓辭漢月挿羽破天驕陣
解星芒盡營空海霧銷功成畫麟閣獨有霍嫖姚

白馬黃金塞雲砂繞夢思那堪愁苦節遠憶邊城兒
螢飛秋窗滿月度霜閨遲推殘梧桐葉蕭颯沙棠枝
無時獨不見淚流空自知

塞虜乘秋下天兵出漢家將軍分虎竹戰士卧龍沙邊
月隨弓影胡霜拂劒花玉關殊未入少婦莫長嗟

烽火動沙漠連照甘泉雲漢皇按劒起還召李將軍兵
氣天上合鼓聲隴底聞橫行負勇氣一戰靜妖氛

同前

郭元振

塞外虜塵飛頻年出武威死生隨玉劒辛苦向金微久
戍人將老長征馬不肥仍聞酒泉郡已合數重圍

同前二首

王昌齡

飲馬渡秋水，水寒風似刀。平沙日未沒，黯黯見臨洮。昔

日長城戰

一作當日
龍城戰

咸言意氣高。黃塵是今古

一作黃
沙滿今

古
白骨亂蓬蒿

秋風夜渡河，吹却雁門桑。遙見胡地獵，韃馬宿嚴霜。五
道分兵去，孤軍百戰場。功多翻下獄，士卒但心傷。

同前二首

馬戴

旌旗倒北風，霜霰逐南鴻。夜救龍城急，朝焚虜帳空。骨
銷金鏃在，鬢改玉關中。却想羲皇代，無人說戰功。

廣漠雲凝慘日斜飛霰生燒山搜猛獸伏道擊回兵風
折旗竿曲沙埋樹杪

一作塞路

平黃雲飛旦夕偏奏苦寒聲

同前

張籍

邊州八月修城堡候騎先燒磧中草胡風吹沙度隴飛
隴頭林木無北枝將軍閱兵青塞下鳴鼓逢逢促獵圍
天寒山路石斷裂白日不銷帳上雪烏孫國亂多降胡
詔使名王持漢節年年征戰不得閒邊人殺盡唯空山

同前

于濬

赤子別父母犬戎圍邏娑戰鼓聲未齊烏鳶已相賀燕
然山上雲半是離鄉魂衛霍待富貴不知誰與論

同前

陶翰

進軍飛狐北窮寇勢將變落日沙塵昏背河更一戰駢
馬黃金勒彫弓白羽箭射殺左賢王歸奏未央殿欲言
塞下事天子不召見東出咸陽門哀哀淚如霰

同前二首

李益

蕃州部落能結束朝馳算獵黃河曲燕歌未斷塞鴻飛

牧馬羣嘶邊草綠秦築長城城已摧漢武北上單于臺
古來征戰虜不盡今日復還天兵來黃河東流流九折
沙場埋恨何時絕蔡琰沒處造胡笳蘇武歸來持漢節
為報如今都護雄匈奴旦暮下雲中請書塞北陰山石
願勒燕然車騎功

漢家今上郡秦塞古長城有日雲長慘無風沙自驚當
今聖天子不戰四夷平

樂府詩集卷九十二

欽定四庫全書

樂府詩集卷九十三

宋 郭茂倩 輯

新樂府辭

樂府雜題

塞下曲十一首

僧貫休

下營依遁甲分帥把河隍地使人心惡風吹旗燄荒搜
山見探卒放火獵黃羊唯有南飛雁聲聲斷客腸

歸去是何年山連邏逆川蒼黃曾戰地空濶養鵬天旗
插蒸沙堡槍檐卓犖泉蕭條寒日落號令徹窮邊

虜寇日相待如龍馬不肥突圍金甲破趁賊鐵槍飛漢
月堂堂上胡雲慘慘微黃河冰已合猶未送征衣

南北唯堪恨東西實可嗟常飛侵夏雪何處有人家風
刮陰山薄河推大岸斜只應寒夜夢時見故園花

不是將軍勇胡兵豈易當雨曾淋火陣箭又中金瘡鐵
嶺全無土豺羣亦有狼因思無戰日天子是陶唐

榆葉飄蕭盡關防烽寨重寒來知馬疾戰後覺人兇燒
逐飛蓬死沙生毒霧濃誰能奏明主功業已堪封
萬戰千征地蒼茫古塞門陰兵為客崇惡酒發刀痕風
落崑崙石河萌苜蓿根將軍更移帳日日近西蕃
古塞腥膻地胡兵聚如蠅寒鵬中髀石落在黃河冰蒼
茫邏迤城枿枿賊氣興鑄金禱秋穹還擬相憑陵
戰骨踐成塵飛入征人目黃雲忽變黑戰鬼作陣哭陰
風吼大漠火號出不得誰為天子前唱此邊城曲

日向平沙出還向平沙沒飛蓬落陣營驚鵬去天末帝
鄉青樓倚霄漢歌吹掀天對花月豈知塞上望鄉人日
日雙眸滴清血

狼烟作陣雲勾奴愛輕敵領兵不知數牛羊復吞磧嚴
冬大河枯嫖姚去深擊戰血染黃沙風吹映天赤

同前六首

盧綸

驚翎金僕姑燕尾繡蝨弧獨立揚新令千營共一呼
林暗草驚風將軍夜引弓平明尋白羽沒在石稜中

月黑雁飛高，單于夜遁逃。
欲將輕騎逐，大雪滿弓刀。
野幕敞瓊筵，羗戎賀勞旋。
醉和金甲舞，雷鼓動山川。
調箭又呼鷹，俱聞出世能。
奔狐將迸雉，掃盡古丘陵。
亭亭七葉貴，蕩蕩一隅清。
他日題麟閣，唯應獨不名。

同前二首

僧皎然

寒塞無因見，落梅胡人吹。
入笛聲來勞，勞亭上春應度。
夜夜城南戰，未回

都護今年破武威，胡沙萬里鳥空飛。
旛竿瀚海掃雲出，

氈騎天山踏雪歸

同前

李賀

胡角引北風
薊門白於水
天含青海道
城頭見千里
露下旗濛濛
寒金鳴夜刺
蕃甲鏖蛇鱗
馬嘶青塚白
秋靜是旄頭
沙遠席箕愁
帳北天應盡
河聲出塞流

同前

劉駕

勒兵遼水邊
風急卷旌旃
絕塞陰無草
平沙去盡天下營
看斗建傳號
信狼烟聖代書
青史當時破虜年

同前二首

王維

辛勤幾出黃花戍
迢遞初隨細柳營
塞晚每愁殘月苦
邊秋更逐斷蓬驚

年少辭家從冠軍
金裝寶劍去邀勲
不知馬骨傷寒水
唯見龍城起暮雲

同前二首

令狐楚

雪滿衣裳冰滿鬚
曉隨飛將代單于
平生志氣今何在
把得家書淚似珠

邊草蕭條塞雁飛
征人南望盡
霑衣黃塵滿面長須戰
白髮生頭未得歸

同前五首

張仲素

三戍漁陽再渡遼
駢弓在臂劍橫腰
匈奴欲似知名姓
休徬陰山更射鵰

獵馬千羣雁幾雙
燕然山下碧油幢
傳聲漢北單于破
火照旌旗夜受降

朔雪飄飄開雁門
平沙歷亂卷蓬根
功名恥計擒生數

直斬樓蘭報國恩

隴水潺湲隴樹秋
征人到此淚雙流
鄉關萬里無因見
西戍河源早晚休

陰磧茫茫塞草腓
桔槔烽上暮烟飛
交河北望天連海
蘇武曾將漢節歸

同前六首

戎昱

慘慘寒日沒北風
卷蓬根將軍領疲
兵却入古塞門回
頭指陰山殺氣成
黃雲

上山望胡兵胡馬馳驟速黃河冰已合意又向南牧嫖
姚夜出軍霜雪割人肉

塞北無草木烏鳶巢僵屍決滸沙漠空終日胡風吹戰
卒多苦辛苦辛無四時

晚渡西海西向東看日沒傷岸砂礫堆半和戰兵骨單
于竟未滅陰氣常勃勃

城上畫角哀則知兵辛苦試問左右人無言淚如雨何
意休明時終年事鼙鼓

北風凋白草胡馬日駸駸
夜後戍樓月秋來邊將心
鐵衣霜露重戰馬歲年深
自有盧龍塞烟塵飛至今

同前

丁稜

北風鳴晚角雨雪塞雲低
烽舉戰軍動天寒征馬嘶
出營紅旆展過磧暗沙迷
諸將年皆老何時罷鼓鼙

同前

郎士元

寶刀塞上兒身經百戰曾
百勝壯心竟未嫖姚知白
草山頭日初沒黃沙戍下
悲歌發蕭條夜靜邊風吹
獨倚

營門望秋月

同前

許渾

夜戰桑乾雪秦兵半不歸朝來有鄉信猶自寄征衣

同前

周朴

石國胡兒向磧東愛吹橫笛引秋風夜來雲雨皆飛盡
月照平沙萬里空

同前二首

張祜

二十逐嫖姚分兵遠戍遼雪迷經塞夜冰壯渡河朝促

放鵬難下生騎馬未調小儒何足問看取劍橫腰
萬里配長陁連年慣野營入羣來揀馬拋伴去擒生箭
挿鵬翎闊弓盤鵠角輕問看行遠近西去受降城

塞下

李宣遠

秋日并州路黃榆落故關孤城吹角罷數騎射鵬還帳
幕遙臨水牛羊自下山行人正垂淚烽火起雲間

同前三首

沈彬

塞葉聲悲秋欲霜寒山數點下牛羊映霞旅雁隨疎雨

向磧行人帶夕陽邊騎不來沙路失國恩深後海城荒
胡兒向化新成長猶自千回問漢王

貴主和親殺氣沉燕山閒獵鼓輦音旗分雪草偷邊馬
箭入寒雲落塞禽隴月盡牽鄉思動戰衣誰寄淚痕深
金釵謾作封侯別擘破佳人萬里心

月冷榆關過雁行將軍寒笛老思鄉貳師骨恨千夫壯
李廣魂飛一劍長戍角就沙摧落日陰雲分磧護秋霜
誰知漢武輕中國閒奪天山草木荒

交河塞下曲

交河冰薄日遲遲
漢將思家感別離
塞北草生蘇武泣
隴西雲起李陵悲
曉侵雉堞烏先覺
春入關山雁獨知
何處疲兵心最苦
夕陽樓上笛聲時

汾陰行

李嶠

君不見昔日西京全盛時
汾陰后土親祭祠
齋宮宿寢設廚供
撞鐘鳴鼓樹羽旗
漢家五世才且雄
賓延萬靈服九戎
柏梁賦詩高宴罷
詔書法駕幸河東
河東太守

親掃除奉迎至尊尊鑾輿五營將校列容衛三河縱觀
空里間回旌駐蹕降靈場焚香奠醑邀百祥金鼎發食
正焜煌靈祇煒燁攄景光埋玉陳牲禮神畢舉麾上馬
乘輿出彼汾之曲嘉可游木蘭為檝桂為舟櫂歌微吟
綵鷁浮簫鼓哀鳴白雲秋歡娛宴洽賜羣后家家復除
戶牛酒聲明動天樂無有千秋萬歲南山壽自從天子
向秦關玉輦金車不復還珠簾羽帳長寂寞鼎湖龍髯
安可攀千齡人事一朝空四海為家北路窮雄豪意氣

今何在壇場官館盡萬蓬路逢古老長歎息世事回環
不可測昔時青樓對歌舞今日黃埃聚荊棘山川滿目
淚沾衣富貴榮華能幾時不見只今汾水上唯有年年
秋雁飛

大梁行

唐堯客

客有成都來為我彈鳴琴前彈別鶴操後奏大梁吟大
梁傷客情荒臺對古城版築有陳迹歌吹無遺聲雄哉
魏公子疇日好羅英秀士三千人煌煌象列星金槌奪

晉鄙白刃刎侯嬴邯鄲救趙北函谷走秦兵君子榮且
昧忠信莫之明間諜忽來及雄圖靡克成千齡萬化盡
但見榮與清舊國多狐兔夷門荆棘生蒼梧彩雲沒汲
浦綠池平聞有東山去蕭蕭班馬鳴河洲寒宿莽日夕
淚沾纓因之唁公子慷慨此歌行

同前

高適

古城莽蒼饒荆榛驅馬荒城愁殺人魏王宮觀盡禾黍
信陵賓客隨灰塵憶昔雄都舊朝市軒車照一作曜歌

鍾起軍容帶甲三十萬國步連衡一千里金盛湏臾那
可論高臺曲池無復存遺墟但見狐狸跡古地空多一作
餘草木根芽天搖落傷懷抱撫劒悲歌對秋草俠客猶
傳朱亥名行人尚識夷門道白壁黃金萬戶侯寶刀駿
馬填山邱年代淒涼不可問往來唯見水東流

洛陽行

張籍

洛陽宮闕當中州城上嵯嵯十二樓翠華西去幾時返
巢巢乳鳥藏鷺鷥御門空鏐五十年稅彼農夫修玉殿

六街朝暮鼓鼙禁兵持戟守空宮百官日月謝拜表
驛使相續長安道上陽宮樹黃復綠野豺入苑食麋鹿
陌上老翁雙淚垂笑說武皇巡幸時

永嘉行

晉書曰懷帝永嘉五年六月劉曜王彌陷
洛陽入于南宮升太極前殿縱兵大掠悉
收宮人珍寶曜於是害諸王公及百官已
下三萬餘人遷帝於平陽劉聰以帝為會

稽公按劉元海本匈奴冒頓之後曜其族
子也

黃頭鮮卑入洛陽胡兒持戟昇明堂晉家天子作降虜
公卿齊走如牛羊紫陌旌旛暗相觸家家雞犬驚上屋
婦人出門隨亂兵夫死眼前不敢哭九州諸侯自曠土
無人領兵來護主北人避胡多在南南人至今能晉語

田家行

王建

男聲欣欣女顏悅人家不怨言語別五風雖熱麥風清

簷頭索索綠車鳴野蠶作繭人不取葉間撲撲秋蛾生
麥收上場絹在軸的知輸得官家足不願一作望入口復
上身且免向城賣黃犢田家衣食無厚薄不見縣門身
即樂

同前

元稹

牛吒吒田确确旱塊敲牛蹄趵趵種得官倉珠顆穀六
十年來兵簇簇日月食糧車輶輶一日官軍收海服驅
牛駕車食羊肉歸來收得牛兩角重鑄樓犁作斤斲姑

春婦檐輸官不足歸賣屋願官早勝讎早覆農死有兒
牛有犢不遺官軍糧不足

思遠人

王建

妾思常懸懸君行復綿綿征途向何處碧海與青天歲
久自有念誰令長在邊少年若不歸蕭室如黃泉

同前

張籍

野橋春水清橋上送君行去去人應老年年草自生出
門看遠道無信向邊城楊柳別離處秋蟬今復鳴

憶遠曲

水上山沉沉，迢遞渡遠林。
迢荒人行少，馬跡猶可尋。
雪中獨立樹，海口失侶禽。
誰愛如長綿，千里縈我心。

同前

元稹

憶遠曲郎身不遠，郎心遠。
沙隨郎飯俱在匙，郎意着沙。
那比飯水中畫字無字痕。
君心暗畫誰會君，況妾事姑。
姑進止身去門前同萬里。
一家盡是郎腹心，妾似生來。
無兩耳，妾身何足言。
聽妾私勸君，君今夜夜醉何處姑。

來伴妾自閉門嫁夫恨不早養兒將備老妾自嫁郎身
骨立老姑為郎求娶妾不忍見姑郎忍見為郎忍耐
看姑面

望遠曲

孟郊

朝朝候歸信日日登高臺行人未去植庭梅別來三見
庭花開庭花開盡復幾時春光駘蕩阻佳期愁來望遠
烟塵隔空憐綠鬢風吹白何當歸見遠行客

夫遠征

元稹

趙卒四十萬盡為坑中鬼趙王未信趙母言猶點新兵
更填死填死之兵兵氣索秦疆趙破括敵起括雖專命
起尚輕何況牽肘之人牽不已坑中之鬼妻在營壑麻
戴經鶯雁鳴送夫之婦又行哭哭聲送死非送行夫遠
征遠征不必戍長城出門便不知死生

樂府詩集卷九十三

欽定四庫全書

樂府詩集卷九十四

宋 郭茂倩 輯

新樂府辭

樂府雜題

寄遠曲

王建

美人別來無處所
巫山月明湘江雨
千回想見不分明
井底看星夢中語
兩心相對尚難知
何況萬里不相疑

同前

張籍

美人去來春江暖江頭無人湘水滿浣沙石上水禽棲
江南路長春日短蘭舟桂楫常渡江無因重寄雙瓊瑤

征婦怨四首

孟郊

良人昨日去明月又不圓別時各有淚零落青樓前
君淚濡羅巾妾淚滿路塵羅巾去在手今得隨妾身路
塵如因風得上君車輪

生在絲羅下不識漁陽道良人自戍來夜夜夢中到

漁陽千里道近如中門限中門踰有時漁陽長在眼

同前

張籍

九月匈奴殺邊將漢軍全歿遼水上萬里無人收白骨
家家城下招魂葬婦人依倚子與夫同居貧賤心亦舒
夫死戰場子在腹妾身雖存如畫燭

織婦詞

孟郊

夫是田中郎妾是田中女當年嫁得君為君秉機杼筋
力日已疲不息窗下機如何織紵素自著藍縷衣官家

腸村路更索栽桑樹

同前

元稹

織婦何太忙蠶經三卧行欲老蠶神女聖早成絲今年
絲稅抽徵早早徵非是官人惡去歲官家事戎索征人
戰苦束刀槍主將勲高換羅幕縹絲織帛猶努力變縑
撩機苦難織東家頭白雙女兒為解挑紋嫁不得簷前
泉裊游絲上上有蜘蛛巧來往羨他蟲豕解緣天能向
虛空織羅網

同前

鮑溶

百日織綵絲一朝停杼機機中有雙鳳化作天邊衣使
人馬如風誠不阻音徽影響隨羽翼雙雙繞君飛行人
豈願行不怨不知歸所怨天處處何人見光輝

織錦曲

王建

大女身為織錦戶名在縣家供進簿長頭起樣呈作官
聞道官家中苦難回花側葉與人別唯恐秋天絲線乾
紅縷歲蕤紫茸軟蝶飛參差花宛轉一梭聲盡重一梭

玉腕不停羅袖卷窗中夜久睡髻偏橫釵欲墮垂著肩
合衣卧時參沒後停燈起在雞鳴前一匹千金亦不賣
限日未成官裏怪錦江水涸貢轉多宮中盡著單絲羅
莫言山積無盡日百尺高樓一曲歌

織錦歌

溫庭筠

丁東細漏侵瓊瑟影轉高梧月初出簇教金梭萬縷紅
鴛鴦豔錦初成匹錦中百結皆同心藥亂雲盤相間深
此意欲傳傳不得玫瑰作柱朱弦琴為君裁破合歡被

星斗迢迢共千里象尺薰爐未覺秋碧池中一作有新
蓮子

當窗織

王建

梁橫吹曲折楊柳曰門前一株棗歲歲不
知老阿婆不嫁女那得孫兒抱唧唧復唧
唧女子臨窗織不聞機杼聲只聞女歎息
當窗織其取諸此

歎息復歎息園中有棗行人食貧家女大富家織父母

隔牆不得力水寒手澀絲脆斷續來續去心腸爛草蟲
促促機下啼兩日催成一匹半輸官上頭有零落姑未
得衣身不著當窗却羨青樓倡十指不動衣盈箱

擣衣曲

班婕妤擣素賦曰廣除縣月暉木沅清桂
露朝滿涼衿夕輕改容飾而相命卷霜帛
而下庭於是投香杵加紋砧擇驚聲爭鳳
音又曰調無定律聲無定本任落手之參

差從風颭之近遠或連躍而更投或暫舒而長卷蓋言擣素裁衣緘封寄遠也

月明中庭擣衣石掩帷下堂來擣帛婦姑相對初力生
雙揎白腕調杵聲高樓敲玉節會成家家不睡皆起聽
秋天丁丁復凍凍玉釵低昂衣帶動夜深月落冷如刀
涇著一雙纖手痛回編易裂看生熟鴛鴦紋成水波曲
垂燒熨斗帖兩頭與郎裁作迎寒裘

同前

劉禹錫

夾砧應秋律繁杵含淒風一一遠相續家家音不同戶
庭凝露清伴侶明月中長裾委襞積輕珮垂璁瓏汗餘
衫更馥鈿移麝半空報寒驚邊雁促思間候蟲天狼正
芒角虎落定相攻盈篋寄何處征人如轉蓬

送衣曲

王建

去秋送衣渡黃河今秋送衣上隴坂婦人不知道徑處
但聞新移軍近遠半年著道經雨溼開籠見風衣領急
舊來十月初點衣與郎著向營中集絮時厚厚綿纂纂

貴欲征人身上暖願郎莫若裏屍歸願妾不死長送衣

寄衣曲

張籍

織素縫衣獨苦辛遠因回使寄征人官家亦自寄衣去
貴從妾手看君身高堂姑老無侍子不得自到邊城裏
殷勤為看初著時征夫身上宜不宜

淮陰行五首

劉禹錫

劉禹錫序曰古有長干行備言三江之事

禹錫阻風淮陰乃作淮陰行

簇簇淮陰市竹樓緣岸上好日起檣竿鳥飛驚五兩
今日轉船頭金烏指西北煙波與春草千里同一色
船頭大銅鑲摩挲光陳陳早晚使風來沙頭一眼認
何物令儂羨卽船尾燕銜泥趁檣竿竿宿食長相見
隔浦望行船頭昂尾憶憶無奈脫葉時清淮春浪軟

泰娘歌

劉禹錫歌序曰泰娘本韋尚書家主謳者
初尚書為吳郡得之命樂工教以琵琶歌

舞盡得其技後攜之歸京師京師多善士
又捐去故技授以新聲而泰娘頗見稱於
貴遊間元和初尚書薨於東都泰娘出居
民間久之為蘄州刺史張憇所得其後憇
坐事謫武陵郡憇卒泰娘無所歸地遠無
有知其容與藝者故日抱樂器而哭其音
甚悲禹錫聞之乃作泰娘歌云

泰娘家本閭門西門前淥水環金堤有時妝成好天氣

走上高橋折花戲風流太守韋尚書路傍忽見停隼旗
斗量明珠爲傳意紺幃迎入專城居長鬟如雲衣似霧
錦茵羅薦承輕步舞學驚鴻水榭春歌傳一作上客蘭

堂暮從郎西入帝城中貴遊簪組香簾櫳低鬟緩視抱
明月纖指破撥生秋風繁華一旦有消歇題劍無光履
聲絕洛陽舊宅生草萊杜陵蕭蕭松柏哀妝奩蟲網厚
如壘博山鑪側傾寒灰蘄州刺史張公子白馬新到銅
駝里自言買笑擲黃金月墮雲中從此始安知鵬鳥坐

隔飛寂寞旅魂招不歸秦嘉鏡有前時結韓壽香銷故
篋衣山城少人江水碧斷雁哀猿風雨夕朱弦已絕為
知音雲鬢未秋私自惜舉目風煙非舊時夢歸歸路多
參差如何將此千行淚更灑湘江斑竹枝

更衣曲

漢武帝故事曰武帝立衛子夫為皇后初
上行幸平陽主家主置酒作樂子夫為主
謳者善歌能造曲每歌挑上上意動起更

衣子夫因侍得幸頭解上見其美髮悅之
主遂納子夫於宮更衣曲其取於此

博山炯炯吐香霧紅燭引至更衣處夜如何其夜漫漫
鄰雞未鳴寒雁度庭前雪壓松桂叢廊下點點懸紗籠
滿堂醉客爭笑語嘈噴琵琶青幕中

視刀環歌

常恨言語淺不如人意深今朝兩相視脉脉萬重心

堤上行三首

古今樂錄曰清商樂曲襄陽樂云朝發襄陽城暮至大堤宿大堤諸女兒花豔驚郎目梁簡文帝由是有大堤曲堤上行又因大堤曲而作也

酒旗相望大堤頭
堤下連檣堤上樓
日暮行人爭渡急
槳聲幽軋滿中流

江南江北望烟波
入夜行人相應歌
桃葉傳情竹枝怨
水流無限月明多

長堤繚繞水

一作太

徘徊酒舍旗亭次第開日晚上簾招

賈客幾舸大艚落帆來

競渡曲

劉異事始曰楚傳云競渡起於越王句踐
荆楚歲時記云舊傳屈原死於汨羅時人
傷之競以舟楫拯焉因以成俗歲華紀麗
云因句踐以成風拯屈原而為俗是也劉
禹錫序曰競渡始於武陵至今舉楫而相

和之音咸呼何在招屈之義也競渡曲蓋
起於此

沅江五月平堤流邑人相將浮綵舟靈均何年歌已矣
哀謠振楫從此起揚枹擊節雷闐闐亂流齊進聲轟然
蛟龍得雨鬚鬣動蟬蜩飲河形影聯刺史臨流褰翠幃
揭竿命爵分雄雌先鳴餘勇爭鼓舞未至銜枚顏色沮
百勝本自有前期一飛由來無定所風俗如狂重此時
縱觀雲委江之渚綵旂夾岸照蛟室羅襪凌波呈水嬉

曲終人散空愁算招屈亭前水東注

沓潮歌

劉禹錫歌序曰元和十年夏五月大風駕
潮南海泛溢南人云沓潮也率三歲一有
之客或言其狀禹錫因歌之

屯門積日無迴颺滄波不歸成沓潮
轟如鞭石砭且搖
亘空欲駕鼉鼉橋驚湍撼縮悍而驕
大陵高岸失宮甍
四邊無阻音響調背負元氣掀重霄
介鯨得性方逍遙

仰鼻噓吸揚朱翹海人狂顧迭相招蜀衣鑿首聲曉曉
征南將軍登麗譙赤旗指麾不敢囂翌日風迴沴氣消
歸濤納納景昭昭烏泥白沙復滿海海色不動如青瑤

北邙行

王建

晉張協登北邙賦曰陟巖丘之巉岿升逶迤之脩坂回余車於峻嶺聊送目於四遠
伊洛混而東流帝居赫以崇顯於是徘徊
絕嶺踟躕步趾前瞻狼山卻闕大岨東眺

虎牢西睨熊耳邪亘天際旁極萬里莽眩
眼以茫昧諒羣形之維紀爾乃地勢宏隆
邱壚陂陀墳隴累疊基布星羅松林慘映
以攢列玄木搜寥而振柯壯漢氏之所營
望五陵之寃戕後漢書曰光武葬於原陵
帝王世紀曰原陵在臨平亭東去洛陽十
五里朱超石與兄書曰登北邙遠眺衆美
都盡且言光武墳邊杏甚美即原陵蓋在

北邙也魏志曰明帝欲平北邙令登臺觀

見孟津廷尉辛毗諫止之按北邙行言人

死葬北邙與梁甫吟泰山吟蒿里行同意

北邙山頭少閒土盡是洛陽人舊墓舊墓人家歸葬多

堆著黃金無置處天涯悠悠葬日促崗坂崎嶇不停轂

高張素墓繞銘旌夜唱挽歌山下宿洛陽城北復城東

一作城西
并城東

魂車祖馬長相逢車轍廣若長安路蒿草少

於松柏樹山頭澗底石漸稀盡向墳前作羊虎誰家石

碑文字滅後人重取書年月朝朝車馬送葬回還起大
宅與高臺

同前

張籍

洛陽北門北邙道喪車轉轉入秋草車前齊唱薤露歌
高墳新起白茝茝朝朝暮暮長送葬洛陽城中人更多
千金立碑高百尺終作誰家柱下石山頭松柏半無主
地下白骨多於土寒食家家送紙錢鴟鵂作窠銜上樹
人居朝市未解愁請君暫向北邙遊

野田行

李益

日沒出古城野田何茫茫寒狐上孤塚鬼火燒白楊昔
人未為泉下客行到此中曾斷腸

同前

張碧

風昏晝色飛斜雨冤骨千堆髑髏語八紘牢落人物悲
是箇田園荒廢主悲嗟自古爭天下幾度乾坤復如此
秦皇矻矻築長城漢祖區區白蛇死野田之骨兮又成
塵樓閣風煙兮還復新願得華山之下長歸馬野田無

復堆冤者

斜路行

王建

長安有狹斜行曰長安有狹斜道隘不容

車斜路行其義亦同

世間娶容非

一作不

娶婦中庭牡丹勝松樹九衢大道人

不行走馬奔車逐斜路斜路行熟直路荒東西豈是

一作

不橫太行南樓彈弦北戶舞行人到此多迴

一作妨


徨頭

白如絲面如蠟亦學少年行不返縱令自解思故鄉輪

折蹄穿白日晚誰將古曲換斜音回取行人斜路晚

雉將雛

雉咿喔雛出殼毛斑斑啁啾啄啄學飛未得一尺高還逐
母行旋母脚麥壟淺淺雖蔽身遠去戀雛低怕人時時
土中鼓兩翅引雛拾蟲不相離



樂府詩集卷九十四

欽定四庫全書

集部

樂府詩集卷九十五至

七

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷九十五

宗 郭茂倩輯

新樂府辭

樂府雜題

長安羈旅行

孟郊

十日一理髮每梳飛旅塵三旬九過飲每食唯舊貧萬
物皆及時獨余不覺春失名誰肯訪得意爭相親直木

有恬翼靜流無躁鱗始知喧競場莫處君子身野策藤
竹輕山疏薇蕨新潛歌歸去來事外風景真

羈旅行

張籍

遠客出門世路難停車斂策在門端荒城無人雪滿路
火燒野橋不得度寒蟲入窟鳥歸巢僮僕問我誰家去
行尋田頭暗未息雙轂長轅礙荆棘綠岡入澗投田家
主人舂米為夜食晨雞喔喔茆屋傍行人起掃車上霜
舊山已別行已遠身計未成難復返長安陌上相識稀

遙望天門白日晚誰能聽我苦辛行為向君前歌一聲

求仙曲

孟郊

仙教生為門仙宗靜為根持心苦妄求服食安足論鏟
惑有靈藥餌真成本源自當出塵網馭鳳升崑崙

求仙行

張籍

漢皇欲作飛仙子年年採藥東海裏蓬萊無路海無邊
方士舟中相就死招搖在天因白日甘泉玉樹無仙實
九皇真人終不下空向離宮祠太一丹田有氣凝素華

君能保之昇絳霞

結愛

孟郊

心心復心心結愛務在深
一度欲離別千回結衣襟
結妾獨守志結君早歸意
始知結衣裳不如結心腸
生結行亦結結盡百年月

節婦吟

張籍

君知妾有夫贈妾雙明珠
感君纏綿意繫在紅羅襦
妾家高樓連苑起良人執
戟明光裏知君用心如日
月事

大誓擬同生死還君明珠雙淚垂何不相逢未嫁時

楚宮行

章華宮中九月時桂花半落紅橘垂江頭騎火照輦道
君王夜從雲夢歸霓旌鳳蓋到雙闕臺上重重歌吹發
千門萬戶開相當燭籠左右列成行下輦更衣入洞房
洞房侍女盡焚香玉階羅幕微有霜齊言此夕樂未央
玉酒湛湛盈華觴絲竹次第鳴中堂已姬起舞向君王
回身垂手結明璫願君千年萬年壽朝出射麋夜飲酒

山頭鹿

山頭鹿角芟芟尾促促貧兒多租輸不足夫死未葬兒
在獄早日熬熬蒸野崗禾黍不收無獄糧縣家唯憂少
年食誰能令溺無死傷

各東西

遊人別一東復一西出門相背兩不返唯信車輪與馬
蹄道路悠悠不知處山高海濶誰辛苦遠遊不定難寄
書日日空尋別時語浮雲上天雨墮地暫時會合終離

異我今與子非一身安得死生不相棄

湘江曲

湘水無潮秋水闊
湘中月落行人發
送人發送人歸白
蘋茫茫鷓鴣飛

雀飛多

雀飛多觸網羅
網羅高樹山顛汝飛蓬蒿下勿復投身
網羅間粟積倉禾在田巢之雛望其母來還

夢上天

元稹

夢上高高天。高天蒼蒼高不極。下視五嶽塊。累累仰天
依舊蒼蒼色。踏雲聳身身更上。攀天上天攀未得。西瞻
若木兔輪低。東望蟠桃海波黑。日月之光不到此。非暗
非明。煙塞塞天。悠地遶身。跨風下無階梯。上無力來時
畏有他人上。截斷龍胡。斬鵬翼。茫茫漫漫方自悲。哭向
青雲。搗素臆。哭聲厭咽。旁人惡喚起。驚悲淚飄露。千慙
萬謝。喚厭人。向使無君。終不寤。

君莫非

鳥不解走獸不解飛兩不相解那得相譏犬不飲露蟬
不啖肥以蟬易犬蟬死犬饑驚在梁棟鼠在堦墓各自
窠窟不能改移婦好針縷夫讀書詩男翁女嫁卒不相
知懼聲摘耳効痛嚙脅我不非爾爾無我非

田頭狐兔行

種豆耘鋤種禾溝圳禾苗豆甲狐搨兔翦割鵠餒鷹烹
麟啖犬鷹怕兔毫太被狐引狐兔相須鷹犬相盡日安
天寒禾稀豆損鷹犬就烹狐兔俱晒

古道天道長人道短我道天道短人道長天道晝夜四
轉不曾住春秋冬夏忙顛風暴雨電雷狂晴被陰暗月
奪日光往往星宿日亦堂堂天既職性命道德人自彊
堯舜有聖德天下能遺壽命永昌泥金刻玉與秦始皇
周公傳說何不長宰相老聃仲尼何事栖遑莽卓恭顯
皆數十年貴富梁冀夫婦車馬煌煌若此顛倒事豈非
天道短豈非人道長堯舜留得神聖事百代天子有典
章仲尼留得孝順語千年萬歲父子不敢相滅亡沒後

千餘載唐家天子封作文宣王老君畱得五千字子孫
萬萬稱聖唐謚作玄元帝魂魄坐天堂周公周禮十二
卷有能行者知紀綱傳說說命三四紙有能知者稱祖
宗天能天人命人使道無窮若此神聖事誰道人道短
豈非人道長天能種百草猶得十年有氣息舜纔一日
芳人能揀得丁沈蘭蕙料理百和香天解養禽獸餒虎
豹豺狼人解和麴孽充禴祀烝嘗杜鵑無百作天遣百
鳥哺雛不遣哺鳳凰巨蟒壽千歲天遣食牛吞象充腹

腸蛟螭與變化鬼怪與隱藏蚊蚋與利齒枳棘與鋒鋷
賴得人道有揀別信任天道真茫茫若此撩亂事豈非
天道短賴得人道長

苦樂相倚曲

古來苦樂之相倚近於掌上之十指君心半夜猜恨生

荊棘滿懷天未明漢皇

一作成

眼瞥飛燕時可憐班女恩

已衰未有因由相決絕猶得半年佯暖熱轉將深意喻
商人緝綴疵瑕遣潛詵一朝詔下辭金屋班姬自痛何

倉卒呼天撫地將自鳴不悟尋時暗一作已銷骨白首宮

人前再拜願將日月相揮斛苦樂相尋晝夜間燈光那
得天明在王今被奪心應苦妾奪深恩初為主欲知妾
意恨主時主今為妾思量取班姬收淚抱妾身我曾排
擯無限人

捉捕歌

捉捕復捉捕莫捉狐與兔狐兔藏窟穴豺狼妨道路道
路非不妨最憂螻蟻聚豺狼不陷穿螻蟻潛幽蠹切切

主人窗主人輕細故延緣蝕樂樞漸入棟梁柱棟梁盡
空虛攻穿痕不露主人坦然意晝夜安寢寤網羅布參
差鷹犬走回互盡力窮窟穴無心自還顧客來歌捉捕
歌竟淚如雨豈是惜狐兔畏君先後悞願君掃梁棟莫
遣螻蟻附次及清道途盡滅豺狼步主人堂上坐行客
門前度然後巡野田遍張畋獵具外無梟獍援內有熊
羆驅狡兔掘荒榛妖狐熏古墓用力不足多得禽自無
數畏君聽未詳聽客有明喻蟣虱誰不輕鯨鯢誰不惡

在海尚幽遐在懷交穢汙歌此勸主人主人那不悟不
悟還更歌誰能忍違忤

採珠行

海波無底珠沉海採珠之人判死採萬人判死一得珠
斛量買婢天何在年年採珠珠避人今年採珠由海神
海神採珠珠盡死死盡明珠空海水珠為海物屬海神
神今自採何況人

同前

鮑溶

東方莫空海面平驪龍弄珠燒月明海人驚窺水底火
百寶錯落隨龍行浮心一夜生姦見月質龍軀有幾遍
擘波下去忘此身迢迢謂海無靈神海宮正當龍睡重
昨夜孤光今得弄河伯空憂水府貧天吳不敢相驚動
一團冰容掌上清四面人入光中行騰華乍搖白日影
銅鏡萬古羞為靈海邊老翁怨狂子抱珠哭向無底水
一富何須龍領前千金幾并魚腸裏鱗蟲變化回陰陽
填海破山無景光拊心髣髴失珠意此土為爾離農桑

飲風衣日亦飽暖老翁擲卻荆雞卵

平戎辭二首

王維

太白秋高助漢兵長風夜卷虜塵清
男兒解卻腰間劍喜見君王道化平

卷旆生風喜氣新早持龍節靜邊塵
漢家天子圖麟閣身是當今第一人

望春辭二首

令狐楚

高樓曉見一花開便覺春光四面來
晚日晴雲知次第

東風不用更相推

雲霞五彩浮天闕
梅柳千般夾御溝
不上黃山南北望
豈知春色滿神州

思君恩三首

令狐楚

小苑鶯歌歇
長門蝶舞多
眼看春又去
翠輦不經過
紫禁香如霧
青天月似霜
雲韶何處奏
祇是在昭陽
雞鳴天漢曙
鶯語禁林春
誰入巫山夢
唯應洛水神

漢苑行三首

張仲素

二月風光變柳條
九天清樂奏雲韶
蓬萊殿後花如錦
紫閣堦前雪未銷

回雁高翻太液池
新花低簇上林枝
年光到處皆堪賞
春色人間總不知

春風澹澹影悠悠
鷺鷥高枝鷺入樓
千步回廊聞鳳吹
珠簾處處上銀鈎

燒香曲

李商隱

細雲蟠蟠牙比魚
孔雀翅尾蛟龍鬚
章宮舊樣博山鑪

楚嬌捧笑開芙蓉八蠶匭綿小分炷獸燄微紅隔雲母
白天月澤寒未冷金虎含秋向東吐玉珮呵光銅照昏
簾波日暮衝斜門西來欲上茂陵樹柏梁已失栽桃魂
露庭月井大紅氣輕衫薄細當君意蜀殿瓊人伴夜深
金鑾不問殘燈事何當巧吹君懷度襟灰為土填清露

房中曲

薔薇泣幽素翠帶花錢小嬌郎癡若雲抱日西簾曉枕
是龍宮石割得秋波色玉簫失柔膚但見蒙羅碧憶得

前年春未語悲含辛歸來已不見錦瑟長於人今日澗
底松明日山頭檠愁到天地飜相看不相識

河內詩

樓上曲二首

鼉鼓沈沈虬水咽秦絲不上蠻弦絕嫦娥衣薄不禁寒
蟾蜍夜豔秋河月碧城冷落空蒙煙簾輕幕重金鈎欄
靈香不下三皇子孤星直上相風竿八桂林邊九芝草
短襟小鬢相逢道入門暗數一千春願去閨年畱月小

梳子交加香蓼繁停辛停苦畱待君

湖中曲

閭門日下吳歌遠
陂路綠菱香滿滿
後溪暗起鯉魚風
船旗閃斷芙蓉幹
輕身奉君畏身輕
雙橈兩漿樽酒清
莫因風雨罷團扇
此曲斷腸唯此聲
低樓小徑城南道
猶自金鞍對芳草

同前

李賀

長眉越沙採蘭若
桂葉水漾春

一作秋

漠漠橫船醉眠白

晝閒渡口梅風歌扇薄
燕釵玉股照青渠
越王嬌郎一作

娘
小字書蜀紙封中報
雲鬢晚漏壺中一作
銅壺水淋盡

春懷引

芳蹊密影成花洞
柳結濃煙一作陰
香帶重蟾蜍碾玉桂

明弓捍撥裝金打仙鳳
寶枕垂雲選春夢
鈿合碧寒一作

空
龍腦凍阿侯繫錦
覓周郎憑仗東風好相送

靜女春曙曲

嫩蝶憐芳抱新藥
泣露枝枝滴天淚
粉窗香咽積曉雲

錦堆花密藏春睡
戀屏孔雀搖金尾
罵舌分明呼婢子
冰洞寒龍半匣水
一隻商鸞逐煙起

白虎行

火烏日暗崩騰雲
秦皇虎視蒼生羣
燒書滅國無暇日
鑄劍佩玦唯將軍
玉壇設醮思沖天
一世二世當萬年
燒丹未得不死藥
挈舟海上尋神仙
鯨魚張鬣海波沸
耕人半作征人鬼
雄豪氣猛如燄煙
無人為決天河水
誰最苦兮誰最苦
報人義士深相許
漸離擊筑荆卿歌

荆卿把酒燕丹語劒如霜兮腸如鐵出燕城兮望秦月
天授秦封祚未終袞龍衣點荆卿血朱旗卓地白蛇死
漢王卻是真天子

月漉漉篇

月漉漉波咽玉莎青桂花繁芙蓉別江木粉態袂羅寒
雁羽鋪煙溼誰能看石帆乘船鏡中入秋白鮮紅死水
香蓮子齊挽菱隔歌袖綠刺罨銀泥

黃頭郎

漢書佞幸傳曰鄧通以橈船為黃頭郎文帝嘗夢欲上天不能有一黃頭郎推上天覺而之漸臺以夢陰求推者郎得鄧通夢中所見也顏師古曰橈船能持橈行船也土勝水其色黃故刺船之郎皆著黃帽因號曰黃頭郎黃帽蓋染綃帛為之也

黃頭郎撈攏去不歸南浦芙蓉影愁紅獨自垂水弄湘娥珮竹啼山露月玉瑟調青門石雲溼黃葛沙上蘼蕪

花秋風已先發好持掃羅薦香出鴛鴦一作熟籠

倚瑟行

漢書曰文帝至霸陵慎夫人從帝指視新
豐道曰此走邯鄲道也使慎夫人鼓瑟帝
自倚瑟而歌意悽愴悲懷李奇曰聲氣依
倚瑟也顏師古曰慎夫人邯鄲人倚瑟即
今之以歌合曲也

金輿傳警灞水涯龍旗參天行殿魏左文皇帝右慎姬

北面侍臣張釋之因高知處邯鄲道壽陵已見生秋草
萬世何人不此歸一言出口堪生老高歌倚瑟揚清悲
樂餘哀生知為誰臣驚謠歎不可放願賜一言釋名妄
明珠為日紅亭亭水銀為河玉為星泉宮一閉秦國喪
牧童弄火驪山上與世無情在速貧棄屍於野由斯葬
生死茫茫不可知是不一姓君莫悲始皇有訓二世誓
君獨何人至於斯灞陵一代無發毀儉風本白張廷尉

江南別

羅隱

去年今夜江南別
鴛鴦翅冷飛蓬熱
今年今夜江北邊
鯉魚腸斷音書絕
男兒心事無了時
出門上馬不自知

樂府詩集卷九十五

欽定四庫全書

樂府詩集卷九十六

宋 郭茂倩 輯

新樂府辭

系樂府十二首

元 結

元結序曰天寶中結將前世嘗可稱歎者
為詩十二篇引其義以名之總曰系樂府

思太古

東南三千里沅湘為太湖湖上山谷深有人多似愚嬰
孩寄樹顛就水捕鰕鱸所歡同鳥獸身意復何拘吾行
遍九州此風皆已無吁嗟聖賢教不覺久踟躕

隴上歎

援車登隴坂窮高遂停駕延望戎狄鄉巡回復悲咤滋
移有情教草木猶可化聖賢禮讓風何不遍西夏父子
忍猜害君臣敢欺詐所適今若斯悠悠欲安舍

頌東夷

嘗聞古天子朝會張新樂金石無全聲宮商亂清濁東
驚且悲歎節變何煩數始知中國人孰此亡純朴爾為
外方客何為獨能覺其音若或在蹈海吾將學

賤士吟

南風發天和和氣天下流能使萬物榮不能變羈愁為
愁亦何爾自請說此由諂競實多路苟邪皆共求嘗聞
古君子指以為深羞正方終莫可江海有滄洲

欵乃曲

誰能聽欸乃欸乃感人情不恨湘波深不怨湘水清所
嗟豈敢道空羨江月明昔聞扣斷舟引釣歌此聲始歌
悲風起歌竟愁雲生遺曲今何在逸為漁父行

貧婦詞

誰知苦貧夫家有愁怨妻請君聽其詞能不為酸嘶所
憐抱中兒不如山下麝空念庭前地化為人吏蹊出門
望山澤回顧心復迷何時見府主長跪向之啼

去鄉悲

踟躕古塞關悲歌為誰長日行見孤老羸弱相提將聞
其呼怨聲聞聲問其方乃言無患苦豈棄父母鄉非不
見其心仁惠誠所望念之何可說獨立為悽傷

壽翁興

借問多壽翁何方自修育惟云順所然忘情學草木始
知世上術勞苦化金玉不見充所求空聞恣耽欲清和
存王母潛獲無亂黷誰正好長生此言堪佩服

農臣怨

農臣何所怨乃欲干人主不識天地心徒然怨風雨將
論草木患欲說昆蟲苦巡回宮闕旁其意無由吐一朝
哭都市淚盡歸田畝謠頌若採之此言當可取

謝天龜

客来自江漢云得雙天龜且言龜甚靈問我君何疑自
昔保方正顧嘗無妄私順和固鄙分全守真常規行之
恐不及此外將何為惠恩如可謝占問敢終辭

古遺歎

古昔有遺歎所歎何所為有國遺賢臣萬世為冤悲所
遺非遺望所遺非可遺所遺非遺用所遺在遺之嗟嗟
山海客全獨竟何辭心非膏濡類安得無不遺

下客謠

下客無黃金豈思主人憐客言勝黃金主人然不然珠
玉誠彩翠綺羅如嬋娟終恐見斯好有時去君前豈知
保忠信長使令德全風聲與時茂歌頌萬千年

補樂歌十首

元結

元結序曰自伏羲至於殷凡十代樂歌有其名亡其辭考之傳記義或存焉故採其名義以補之凡十篇十九章各引其義以序之命曰補樂歌

網罟

伏羲氏之樂歌也其義益稱伏羲能易人取禽獸之勞

吾人苦兮水深深網罟設兮水不深吾人苦兮山幽幽

網罟設兮山不幽

網罟二章章四句

豐年

神農氏之樂歌也其義益稱神農教人種

植之功

猗太帝兮其智如神分草實兮濟我生人猗太帝兮其
功如天均四時兮成我豐年

豐年二章章四句

雲門

軒轅氏之樂歌也其義蓋言雲之出潤益
萬物如帝之德無所不施

玄雲溟溟兮垂雨濛濛類我聖澤兮涵濡不窮玄雲漠
漠兮含映逾光類我聖德兮庥被無方

雲門二章章四句

九淵

少昊氏之樂歌也其義蓋稱少昊之德淵

然深遠

聖德至深兮蘊蘊如淵生類皞皞兮孰知其然

九淵一章四句

五莖

顓頊氏之樂歌也其義蓋稱顓頊得五德
之根莖

植植萬物兮滔滔根莖五德涵柔兮淪淪而生其生如
何兮袖袖天下皆自我君兮化成

五莖一章七句

六英

高辛氏之樂歌也其義益稱帝嚳能總六

合之英華

我有金石兮擊考崇崇與汝歌舞兮上帝之風由六合
兮英華淪淪我有絲竹兮韻和泠泠與汝歌舞兮上帝
之聲由六合兮根柢羸羸

六英二章章六句

咸池

陶唐氏之樂歌也其義蓋稱堯德至大無
不備全

元化油油兮孰知其然至德汨汨兮順之以先元化泥
泥兮孰知其然至道泱泱兮由之以全

咸池二章章四句

大韶

有虞氏之樂歌也其義蓋稱舜能紹先聖

之德

森森羣象兮日見生成欲聞朕初兮玄封冥冥洋洋至
化兮日見深柔欲聞大濩兮大淵油油

大韶二章章四句

大夏

有夏氏之樂歌也其義蓋稱禹治水其功
能大中國

茫茫下土兮乃生九州山有長岑兮川有深流茫茫下

土兮乃均四方有國安人兮野有封疆茫茫下土兮乃
歌萬年上有茂功兮下載人天

大夏三章章四句

大濩

有殷氏之樂歌也其義益稱湯救天下濩
然得所

萬民苦兮怨且哭不有聖人兮誰濩育聖人生兮天下
和萬姓熙熙兮舞且歌

大濩二章章四句

補九夏歌九首

皮日休

周禮曰鍾師掌金奏凡樂事以鍾鼓奏九
夏王夏肆夏昭夏納夏章夏齊夏族夏祗
夏騫夏鄭司農云夏大也樂之大歌有九
杜子春云王出入奏王夏尸出入奏肆夏
牲出入奏昭夏四方賓來奏納夏臣有功
奏章夏夫人祭奏齊夏族人侍奏族夏客

醉而出奏襪夏公出入奏驚夏鄭康成云
九夏皆詩篇名頌之類也此歌之大者載
在樂章樂崩亦從而亡襪與陔同皮日休
曰九夏亡者吾能頌之乃作補九夏歌

王夏

燾燾皎日歛麗乎天厥明御舒如王出焉燾燾皎日歛
入於地厥晦厥貞如王入焉出有龍旂入有珩珮勿驅
勿馳惟慎惟戒出有嘉謀入有內則繫彼臣庶欽王之

式

王夏四章章四句

肆夏

惛惛清廟儀儀袞服我尸出矣迎神之穀杳杳陰竹坎坎路鼓我尸入矣得神之祐

肆夏二章章四句

昭夏

有鬱其鬯有儼其彝九變未作全乘來之既醑既酢爰

暢爰舞象物既降全乘之去

昭夏二章章四句

納夏

麟之儀儀不繫不維樂德而至如賓之嬉鳳之愉愉不
箐不斂樂德而至如賓之娛自筐及筥我有牢醕自筐
及筐我有貨幣我牢不愆我貨不匱碩碩其才有樂而
止

納夏四章章四句

章夏

王有虎臣錫之鈇鉞征彼不悛一撲而滅王有虎臣錫
之圭瓚征彼不享一烘而泮王有掌封道爾疆理王有
掌客饋爾饗餼何以樂之金石九奏何以錫一作賜之龍
旂九旒

章夏四章章四句

齊夏

璽璽衡筭翬衣綸翟自內而祭為君之則

齊夏一章四句

族夏

洪源誰孕疏為江河大塊孰埏播為山阿厥流浩漾厥
勢嵯峨今君之酌慰我實多

族夏二章章四句

祓夏

禮酒既酌嘉賓既厚牘為之奏禮酒既竭嘉賓既悅應
為之節禮酒既罄嘉賓既醒雅為之行

襪夏三章章三句

驚夏

桓桓其珪袞袞其衣出作二伯天下是毗桓桓其珪袞袞其服入作三孤國人是福

驚夏二章章四句

新題樂府上

元稹

元稹序曰李公垂作樂府新題二十篇稹取其病時之尤急者列而和之蓋十五而

已今所得纔十二篇又得八駿圖一篇總
十三篇

上陽白髮人

白居易傳曰天寶五載已後楊貴妃專寵
後宮無復進幸六宮有美色者輒置別所
上陽其一也貞元中尚存焉

天寶年中花鳥使撩花鷦鷯含春思滿懷墨詔求嬪御
走上高樓半酣醉酣醉直入卿士家閨闈不得偷回避

良人顧望

一作

心死別小女呼爺血垂淚十中一得

一作

十中

有一預更衣九配深宮作宮婢御馬南奔胡馬盛宮女

三千合宮棄宮門一閉不復開上陽花草青苔地月夜

閒聞洛水聲秋池暗度風荷氣日日長看提衆門終身

不見門前事近年又送數人來自言興慶南宮至我悲

此曲將徹骨更想深冤復酸鼻此輩賤嬪何足言帝子

天孫古稱貴諸王在閣四十年十宅六宮門戶閉隋煬

枝條襲封邑肅宗血胤無官位王無妃媵主無夫

一作

陽亢陰淫結災累何如決壅順衆流女遣從夫男作吏

華原磬

白居易傳曰天寶中始廢泗濱磬用華原
石代之磬人曰泗濱磬下調之不能和得
華原石考之乃和由是不改

泗濱浮石裁為磬古樂疎音少人聽工師小賤才曠稀
不辨邪聲嫌雅正正聲不屈古調高鍾律參差管絃病
鏗金戛瑟徒相雜投玉敲冰沓然零華原軟石易追琢

高下隨人無雅鄭棄舊美新由樂胥自此黃鍾不能競
玄宗愛樂愛新樂梨園弟子承恩橫霓裳纔徹胡騎來
雲門未得蒙親定我歲古磬藏在心有時激作南風詠
伯夔曾撫野獸馴仲尼暫叩春雷盛何時得向筍簾懸
為君一吼君心醒願君每聽念封疆不遣豺狼勦人命

五絃彈

樂苑曰五絃未詳所起形如琵琶五絃四
隔孤柱一合散聲五隔聲二十柱聲一總

二十六聲隨調應律唐書樂志曰五絃琵琶稍小蓋北國所出樂府雜錄曰唐貞元中趙璧妙於此伎國史補曰趙璧彈五絃人問其術曰吾之於五絃也始則心驅之中則神遇之終則天隨之方吾泯然眼如耳耳如鼻不知五絃之為璧璧之為五絃也

趙璧五彈彈徵調徵聲嶢絕何清峭避

一作辭

雄皓鶴警

露啼夫子哀猿繞林嘯風入春松正凌亂鶯含曉舌憐
嬌妙嗚嗚暗溜咽冰泉殺殺霜刃澀寒鞘促節頻催漸
繁撥珠幢斗絕金鈴掉千鞞鳴鏑發胡弓萬片清球擊
虞廟衆樂雖同第一部德宗皇帝常偏名旬休節假暫
歸來一聲狂殺長安少主第侯家最難見按歌接曲皆
承詔水精簾外教貴嬪璫瑁筵心伴中要臣有五賢非
此弦或在拘囚或屠釣一賢得進勝累百兩賢得進同
周召三賢事漢滅暴彊四賢鎮嶽寧邊徼五賢並用調

五常五常既序三光耀趙璧五弦非此賢九九何勞設
庭燎

西涼伎

吾聞昔日西涼州人煙撲地桑柘稠蒲萄酒熟恣行樂
紅豔青旗朱粉樓樓下當壚稱卓女樓頭仵客名莫愁
鄉人不識離別苦更卒多為沈滯遊哥舒開府設高宴
八珍九醞當前頭前頭百戲競撩亂九釧跳躑霜雪浮
師子搖光毛彩豎胡騰醉舞筋骨柔大宛來獻赤汗馬

贊普亦奉翠茸裘一朝燕賊亂中國河湟沒盡空遺邱
開遠門前萬里堠今來感到行原州去京五百而近何
其逼天子縣內半沒為荒陬西涼之道爾阻脩連城邊
將但高會每聽此曲能不羞

法曲

唐會要曰文宗開成三年改法曲為仙韶
曲按法曲起於唐謂之法部其曲之妙者
其破陣樂一戎大定樂長生樂赤白桃李

花餘曲有堂堂望瀛霓裳羽衣獻仙音獻
天花之類總名法曲白居易傳曰法曲雖
似失雅音蓋諸夏之聲也故歷朝行焉太
常丞宋沈傳漢中王舊說曰玄宗雖雅好
度曲然未嘗使蕃漢雜奏天寶十三載始
詔道調法曲與胡部新聲合作識者深異
之明年冬而安祿山反

吾聞黃帝鼓清角弭伏熊羆舞玄鶴舜持干羽苗革心

堯用咸池鳳巢閣大夏獲武皆象功功多已訝玄功薄
漢祖過沛亦有歌秦王破陣非無作作之宗廟見艱難
作之軍旅傳糟粕明皇度曲多新態宛轉侵搖易沈著
赤白桃李取花名霓裳羽衣號天落雅弄雖云已變亂
夷音未得相忝錯自從胡騎起煙塵毛毳腥羶滿咸洛
女為胡婦學胡妝伎進胡音務胡樂火鳳聲沉多咽絕
春鶯囀罷長蕭索胡音胡騎與胡妝五十年来競紛泊

馴犀

白居易傳曰貞元丙戌歲南海進馴犀詔
養苑中至十三年冬大寒而馴犀死

建中之初放馴象遠歸林邑近交廣獸返深山鳥構巢
鷹鵬鷄鵲無羈鞅貞元之歲貢馴犀上林置圈官司養
玉盆金棧非不珍虎啖狴牢魚食網渡江之橘踰汶貉
反時易性安能長臘月北風霜雪深蹢躅鱗身遂長往
行地無疆費傳驛通天異物罹幽枉乃知養獸如養人
不必人人自敦獎不擾則得之於理不奪有以多於賞

脫衣推食衣食之不若男耕女令紡堯民不自知有堯
但見安閒聊擊壤前觀馴象後馴犀理國其如指諸掌

立部伎

新唐書禮樂志曰太宗貞觀中始造讌樂
其後又分為立坐二部堂下立奏謂之立
部伎堂上坐奏謂之坐部伎李公垂傳曰
太常選坐部伎無性識者退入立部伎又
進立部伎無性識者退入雅樂部則雅樂

可知矣故作歌以諷焉

胡部新聲錦筵坐中庭漢振高音播太宗廟樂傳子孫
取類羣凶陣初破戢戢攢槍霜雪耀騰騰擊鼓雲雷磨
初疑遇敵身啟行終象由文士憲左昔日高宗常立聽
曲終然後臨玉座如今節將一掉頭電卷風收盡摧挫
宋音鄭女歌聲發滿堂會客齊喧和珊珊佩玉動腰身
一一貫珠隨咳唾頃向園丘見郊祀亦曾正旦親朝賀
太常雅樂備宮懸九奏未終百寮惰怠滯難令季札辨

遲回但恐文侯臥工師盡取聾昧人豈是先王作之過
宋沈嘗傳天寶季法曲胡音忽相和明年十月燕寇來
九廟千門虜塵沈我聞此語歎復泣古來邪正將誰奈
奸聲入耳佞入心侏儒飽飯夷齊餓

樂府詩集卷九十六